

آبونه شرائطی

ممالك عثمانیه ده سنه لکی (۶۵)، الق
ایلغی (۲۵) غروشدور .

ممالك اجنبیه ده سنه لکی (۱۷)، الق
یلغی (۹) قرانقدور .

اداره خانه

باب عالی جاده سنده دائره مخصوصه

اضطرابات

آبونه بدلی پشندور .

§

مسلكه موافق آثار مع الممنونیه قبول
اولنور . درج ابدله بن یازیلر احاده
اولونماز .



۱۳۳۰ (۱۳۳۰) ۱۳۳۰

اضطرابات

رساله مزدن آلمدیغی کوسونلک شرطیه
بتون یازیلر هر هانکی برهونه طرفندن
اقتیاس اولونه بیلیر .

§

مکتوبلرک، امضالرک واضح و اوقوتاقلی
اولمسی و آبونه صره نومروسى محتوی
بولونمسی لازمدور .

§

ممالك اجنبیه اچون بونه اولر
درسلیرشک فرانسوزجه ده یازلمس و جا
اولنور .

§

ردوندرلدیکى، ان نه یه دائر اولدیغى
واضعا بیلدیلمس و جا اولنور .

موسقوفك يابريغنه افغانستانده عینیدم مقابله ایله یابور. — سراج الاخبار دیورکه: «کویا افغانستان حدودنده کی قلاع و استحکاماتک خریطه و پلانلری چیقاروب حکومتلرینه تقدیم ایلش اولان ایکی افغان جاسوسنک روسیهده طوتولش اولدیغنی روس غزتلرندن نقلاً (تحف بر روایت) سرلوحه سیله یازمشدق.

مسقوف جرائدی اخیراً بوحوادنی تازه له یهرك طوتولان جاسوسلرك عسکری جزا قانونی موجنبجه محاکمه و مجازات اولونا جقلرینی یازیورلر. بز، بوحوادنک اصلی اولمادیغنی سویله مکله برابر شاید بویله بر جاسوس توقیفی و جزا قانوننک تطبیقی تأید ایده رسه البته روس جاسوسلرندن بری یاخود بر قاجیده افغانستانده یا قالا نیر، اووقت حقارنده عینی معامله تطبیق اولونور، دیرز.

زنکبار:

زنکبارده یکی بر مجلس. — زنکبارده (مجلس حمایه زنکبار) نامی آلتنده یکی بر مجلس آچیلمشدر. بوراده حکومت ایچون یکی قوانین و نظامات وضع ایدیلجه کدر. زنکبار امیری مجلسی مراسم مخصوصه ایله کشاد ایتش و اوکیجه یکی مجلسله اعضالرینک شرفه بویوک بر ضیافت ویرمشدر.

زنکبار هاکنه نشانه اعطاسی. — انکلتزه حکومتی طرفندن زنکبار هاکنه (سن جورج) و (سن میشل) نشانلریله (سر) لقبی ویرلشددر.

آثار عتیقه دن: قونییه ده «قره طای مدرسه سی»

یارسده منتشر «فیغارو» غزته سندن مترجمدر:

«تدقیقات فیه و صناعیه اجراسی مقصدیله اناطولییه عزیمت ایتش اولان موسیو آرنست هیرارد ایله برادری موسیو ژان هیرارد، صنایع نفیسه نقطه نظرندن غایت شایان دقت نتایج مشمره ایله عودت ایتشلردر.

بواکی برادرک برنجیسی، یعنی موسیو آرنست فرانسه معارف نظارتی طرفندن قونییه ده کاش و تکرار طرفندن انشا ایدیلش اولان آثار و مبانی عتیقه تک تدقیق و تحریسنه مأمور قیلنمش ایدی. برادری موسیو ژان ایسه کندی حسابنه اوله رق آرنسته رفاقت ایتشیدی.

مفصلاً تدقیق ایتش اولدقلری مبانی عتیقه دن برنجیسی سلطان «کی کاوس» ثانی نیک اعظم رجاندن برذات طرفندن ۱۲۵۱ تاریخ میلادیسنده انشا ایدیلش اولان «قره طای» مدرسه سیدر. بونای محتملک غایت ظریف و صنعتکارانه برطرزده بولونان «موزاییق ایله انجه چین و کاشانی» ایشاله مه لری، وقتیه اسیانیده اندلسیلرک اوزیتدار مبانیسنه مشاهددر.

موسیو آرنست هیرارد بونای محتمل ایله اونفاستده بولونان دیگر اوچ قطعه آثار عتیقه نیک رسملرنی «انستیتو» موزمسی هیئته تقدیم ایتشدر.»

آثار منتشره:

لسان عثمانی

برزمانلر ع. نادر نام مستعار یله بعض رسائل موقوتیه، اووقت قدر امثالی کوروله مش، شعرلریازان کالزاده علی اکرم بک افندی حضرتلری شو صولک کونلرده ملته «لسان عثمانی» عنوانیه بر اثر منظوم دهها قازاندیردی.

بواثر لسان عثمانیک ماضیسندن، کیردیکی ادوارندن، هانکی هدف تکامله طوغرو یورومک استعدادنی حاز اولدیغندن هیچ خبری اولمایان؛ حتی لسانک حقوق عمومیه دن اولدیغنی خاطرلرینه کتیره یهرك شیوه مزده بیلدیکی کی تصرفاته قیام ایدن برطاقم افراط جیلره قارشى یازیلشدر.

واقعا بز اوتهدن بری ساده لك طرفدارى یز. لکن بوخصوصده هیچ برزمان افراطه وارمق ایستمیز. هله استعمالی ضروری اولان بعض ترکیلری اصلاً لساندن قالدیرمق فکرنده دکاز. اونک ایچون علی اکرم بک افندی بی مطالعه لرنده بک مصیب کورو یورز.

ملئک ادبیاتنه، وصیت کی فریاد کی؛ صوکره، هربری بر جهان معنی اولان الواح طبیعت کی مخلص شعرار اهدا ایدن ادیب مشار الیه شویکی اثرلرندن طولانی عرض شکران ایدر و مطالعه سنی عموم قارئلریمزه توصیه ایتیمیز ایچون بر وظیفه بیلیرز. بدلی برغروشددر.

المختصرات

افاخم علمائی اسلامیه دن حاجی ذهنی افندی مرحومک اثر و ابسنی اولوق اوزره بو نام ایله بر اثر نافع طبع و نشر ایدیلشدر. (نعمت اسلام) کلیاتنک مختصری بولنان بو اثر عالی بی مطالعه جدیه مراقیلرینه توصیه و ماهیت مفیده سنی قارئین کرامه آ کلامق ایچین مقدمه سنی بروجه زیر درج ایدیورز:

(المختصرات) ک مقدمه سی

«باسم الله والحمد لله والصلاة والسلام على خير خلقه سيدنا محمد خاتم رسل الله. انسانه عقائد حق و طهارت کامله اوزره عباداتی و عدل و نصف اوزره معاملاتی و اخلاق فاضله اوزره معاشراتی تعلیم ایتمکده اولدیغندن دین اسلامدن بیوک نعمت اولماز. الحمد لله علی نعمة الاسلام و کفی بنعمته.

(نعمت اسلام) نامنده کوچک بر علم حال رساله سی وار ایدی که او رساله کک اخیراً فقهک عبادات و مناکحات اقسامی حاوی بیوجک بر کتابه مبدأ و قسم اول اولمشیدی.

عبادات قسمی طهارت و صلات و صوم و زکات و حج مسائلنی جامع مستقل برر کتاب اوله رق نعمت اسلامه قسم ثانی قیلنمش و ذبائح و اضحیه و عتیقه مسائلیه ده کتاب الحجیه ذیل ایدیلشیدی. ایشته او بش کتابدن عبارت اولان قسم ثانی نعمت اسلام بودفعه اختصار اولنه رق کتابلرک اسملری اولنه برر (مختصر) کله سی کچیریلدی. و جمله سنه بردن (المختصرات فی مسائل الطهارة والعبادات) نامی ویریلدی.

کتاب زکات ایله کتاب حجک مختصرلرینک اصللرنده اولمایان بعض مسائل زیاده ایدیلدی. و ماتوفیقی الا بالله.

۲ محرم سنه ۱۳۳۲ «محمد زهنی»

ع. اشرف ارباب

«توسیع طباعت» مطبعه سنده
باصیلشدر